

« 11 » սեպտեմբեր 2024թ. No 4896 - Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՄԱՐԴՈՒ ՕԳՏԱԳՈՐԾՄԱՆ
ԴԵՂԵՐԻ ՊԵՏԱԿԱՆ ԳՐԱՆՑՄԱՆ ՀԱՅՏԵՐԸ ԺԱՄԱՆԱԿԱՎՈՐ ԿԱՐԳԻ ՀԱՄԱՁԱՅՆ
ԸՆԴՈՒՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ
ՆԱԽԱՐԱՐԻ 2022 ԹՎԱԿԱՆԻ ՀՈԿՏԵՄԲԵՐԻ 04-Ի ԹԻՎ 4639-Ա ՀՐԱՄԱՆՆ ՈՒԺԸ
ԿՈՐՅՐԱԾ ՃԱՆԱԶԵԼՈՒ ՄԱՍԻՆ**

Հիմք ընդունելով Եվրասիական տնտեսական հանձնաժողովի խորհրդի 2022 թվականի հունիսի 10-ի թիվ 96 որոշման 1-ին կետի «ա» ենթակետը և 2024 թվականի սեպտեմբերի 6-ի թիվ 60 որոշման դրույթները, «Նորմատիվ իրավական ակտերի մասին» օրենքի 37-րդ հոդվածի 1-ին մասը, ինչպես նաև հատուկ տնտեսական միջոցների կիրառման պատճառով հանրապետության դեղագործական շուկայում դեղերի բացակայության վտանգի առաջացման պայմաններում դեղերի անխափան շրջանառությունն ու հասանելիությունն ապահովելու նպատակով.

ՀՐԱՄԱՅՈՒՄ ԵՄ՝


1. «Դեղերի և բժշկական տեխնոլոգիաների փորձագիտական կենտրոն» ՊՈԱԿ-ի տնօրենի ժամանակավոր պաշտոնակատար Արայիկ Բաղդյանին՝

1) Հայաստանի Հանրապետությունում մարդու օգտագործման դեղերի պետական գրանցման հայտերի ընդունումը մինչև 2024 թվականի դեկտեմբերի 31-ը հայտատուի դիմումի համաձայն իրականացնել Եվրասիական տնտեսական հանձնաժողովի խորհրդի 2016 թվականի նոյեմբերի 3-ի N 78 որոշմամբ սահմանված բժշկական կիրառման դեղամիջոցների գրանցման և փորձաքննության կանոնների կամ Հայաստանի Հանրապետության կառավարության 2019 թվականի փետրվարի 28-ի N 162-Ն որոշմամբ հաստատված կարգի համաձայն.

2) սույն հրամանի մասին իրազեկել դեղերի պետական գրանցման հայտատուներին:

2. Ուժը կորցրած ճանաչել ՀՀ առողջապահության նախարարի 2022 թվականի հոկտեմբերի 04-ի «Հայաստանի Հանրապետությունում մարդու օգտագործման դեղերի պետական գրանցման հայտեր ներկայացնելու ժամանակավոր կարգ սահմանելու մասին» թիվ 4639-Ա հրամանը:

3. Սույն հրամանի կատարման հսկողությունը հանձնարարել Առողջապահության նախարարության գլխավոր քարտուղար Վարդանուշ Գրիգորյանին:

 Recoverable Signature

X 

ԱՆԱՀԻՏ ԱՎԱՆԵՍՅԱՆ

Signed by: AVANESYAN ANAHIT 7103810157

Ա. ԱՎԱՆԵՍՅԱՆ